

OPPORTUNITIES FOR INVESTMENT DEVELOPMENT OF THE TOURISM INDUSTRY OF UZBEKISTAN

Matkabulova Dilorom Khalilullaevna

TSU, Associate Professor PhD

E-mail d.matkabulova1987@gmail.com

Abstract: In the state analyzed the practice, processes and investment opportunities for the development of tourism in Uzbekistan in the conditions and the development of recommendations for the use of investments to increase the efficiency of tourism.

Keywords: Digital technologies, tourism, tourism industry, investment, tourism services, employment, tourist flow, export, integration

ЎЗБЕКИСТОН ТУРИЗМ ИНДУСТРИЯСИНИ ИНВЕСТИЦИОН РИВОЖЛАНТИРИШНИНГ ИМКОНИАТЛАРИ

ВОЗМОЖНОСТИ ИНВЕСТИЦИОННОГО РАЗВИТИЯ ТУРИСТИЧЕСКОЙ ОТРАСЛИ УЗБЕКИСТАНА

Маткабулова Дилором Халилуллаевна

ТДИУ, доцент PhD

E-mail d.matkabulova1987@gmail.com

Аннотация: Мақолада Ўзбекистонда индустриясини ривожлантириш амалиёти, жараёнлари ва унинг инвестицион имкониятлари таҳлил қилинган ва туризм индустрияси самарадорлигини оширишда инвестициялардан фойдаланиш йўларишларига оид тавсиялар ишлаб чиқилган.

Калит сўзлар: Рақамли технологиялар, туризм, туризм индустрияси, инвестициялар, туристик хизмат, бандлик, туристик оқим, экспорт, интеграция

Аннотация: В статье проанализирована практика, процессы и инвестиционные возможности развития туристической отрасли Узбекистана и разработаны рекомендации по использованию инвестиций для повышения эффективности туристической отрасли.

Ключевые слова: Цифровая экономика, цифровые технологии, туризм, индустрия туризма, инвестиции, туристические услуги, занятость, туристический поток, экспорт, интеграция

Туризм индустрияси дунё иқтисодиётида энг жадал ривожланаётган тармоқлардан бирига айланди. Туризмнинг жаҳон экспортидаги улуши озиқ-овқат саноати ва автомобилсозликни ортда қолдириб кетди ҳамда кимё маҳсулотлари ва ёнилғи савдосидан кейин учинчи ўринга чиқиб олди¹.

Ўзбекистон Республикаси Президентининг 2020 йил 9 январда қабул қилинган “Ўзбекистон Республикасининг 2020-2022 йилларга мўлжалланган инвестиция дастурини амалга ошириш чора-тадбирлари тўғрисида” ПҚ-4563-сонли Қарорида республикада бир қатор йирик инвестиция лойиҳаларни амалга ошириши белгиланган. Жумладан, 2020-2022 йил мобайнида ахборот технологиялари ва телекоммуникациялари соҳасидаги лойиҳаларга 676,8 миллион долларга тенг инвестицияларини жалб қилиниши режалаштирилган.

Шу нуқтаи назардан сўнгги йилларда Ўзбекистоннинг мавжуд табиий, географик, тарихий, маданий, маънавий, этнографик, миллий бойликлари, мерос ва шарт-шароитларини ҳисобга олган ҳолда мамлакатда туризм индустриясини ривожлантириш ва унда рақамли технологиялар самарадорлигини оширишга алоҳида эътибор қаратиб келинмоқда.

Ўзбекистон Республикаси Президентининг 2019 йил 13 августдаги “Ўзбекистон Республикасида туризм соҳасини янада ривожлантириш чора-тадбирлари тўғрисида”ги ПФ-5781-сонли Фармони туризм инфратузилмасидаги мавжуд муаммоларни ҳал этиш, тақдим этилаётган хизматлар сифатини ошириш ва жаҳон бозорларида миллий туризм маҳсулотларини фаол тарғиб қилиш, туризм тармоғининг кадрлар салоҳиятини кучайтириш орқали туризм соҳасида амалга оширилаётган ислохотлар самарадорлигини ошириш ҳамда республикага кириб келаётган хорижий фуқаролар сонини кескин кўпайтириш мақсадида қабул қилиниб, унинг асосида 2019-2025 йилларда Ўзбекистон Республикасида туризм соҳасини ривожлантириш Концепцияси ва унинг асосий йўналишлари тасдиқланди.

2019-2025 йилларда Ўзбекистон Республикасида туризм соҳасини ривожлантириш Концепцияси асосида келгуси 2021-2025 йиллар давомида туризм индустриясида қуйидаги ривожланишларга эришиш кўрсаткичлари белгиланган (1-жадвал).

1-жадвал маълумотлари 2025 йил якунида Ўзбекистонга ташриф буюрадиган хорижий туристлар сони 11810 кишини ташкил этиши, туризм хизматлари экспорти эса 2170 млн. АҚШ долларини ташкил этиши, ички туристлар сони эса 25010 кишига етиши кўзда тутилган.

¹ Марказий Осиёнинг инвестиция салоҳияти. 17.04.2019 й. <https://uzanalytics.com/iqtisodi%D0%B5t/4448/>.

1-жадвал.

**Ўзбекистон Республикасида туризм соҳасини ривожлантириш Концепциясини
келгуси 2021-2025 йиллар амалга ошириш мақсадли кўрсаткичари²**

№	Кўрсаткичлар номи	2021 й.	2022 й.	2023 й.	2024 й.	2025 й.
1.	Ўзбекистонга ташриф буюрадиган хорижий туристлар сони, минг киши	8410	10010	10600	11250	11810
2.	Туризм хизматлари экспорти, млн. АҚШ доллари	1620	1900	2000	2080	2170
3.	Ички туристлар сони, минг киши	18806	20317	21867	23404	25010
4.	Меҳмонхоналар ва шу каби жойлаштириш воситалари сони, дон	2200	2600	2800	2900	3050
5.	Жойлаштириш воситаларидаги хоналар сони, мингта	47	55	59	62	64
6.	Жойлаштириш воситаларидаги ўринлар сони, минг та	95	110	122	124	128
7.	Туроператорлар сони, нафар	1250	1320	1390	1420	1450

Мазкур Ўзбекистон Республикаси Президентининг 2019 йил 13 августдаги ПФ-5781-сонли Фармони асосида 2020 йил учун ҳам 1-жадвалдаги кўрсаткичлар асосида мақсадли режалар белгиланган бўлиб, бироқ, COVID-2019 коронавирус пандемияси сабабли ушбу 2020 йилда Ўзбекистонга ташриф буюриши кўзда тутилган 7010 минг кишилиқ хорижий туристлар ўрнига 1,5 млн. киши келиши, туризм хизматлари экспорти эса 1360 млн. АҚШ долларига олиб чиқиш ўрнига 261 млн. АҚШ долларини ташкил этиши, 17230 минг кишилиқ ички туристлар ташрифи ўрнига 1,8 млн. киши ташрифи таъминланган. Ўз набатида, 1-жадвал кўрсаткичлари асосида 2019 йил учун режалаштирилган хорижий туристлар оқими 6041 минг киши ўрнига 6748,5 минг киши ташрифига, туризм хизматлари экспорти 1180 млн. АҚШ долларига етказиш ўрнига 1313,0 млн. АҚШ долларига етказилишига эришилди, аммо, ички туристик оқимнинг режадаги 16100 минг киши ўрнига амалда 14748,0 минг кишига тушиб кетишига олиб келинди.

Ўтказилган таҳлиллар шуни кўрсатадики, Ўзбекистонда туризм индустриясини ривожлантиришда ташкилий-ҳуқуқий жиҳатдан қанчалик давлат томонидан кўп эътибор ва имконият берилаётганига қарамай, унга йўналтирилаётган инвестициялар ҳажмида кутилганидек самаралар кузатилмаяпти. Буни қуйидаги 2-жадвал маълумотлари яққол тасдиқлаб турибди.

² Ўзбекистон Республикаси Президентининг 2019 йил 13 августдаги “Ўзбекистон Республикасида туризм соҳасини янада ривожлантириш чора-тадбирлари тўғрисида”ги ПФ-5781-сонли Фармони. // www.lex.uz

2-жадвал.

Ўзбекистон Республикасида туризм индустриясига йўналтирилган инвестициялар динамикаси³

№	Йиллар	Кирилган инвестициялар ҳажми, млрд. сўмда	Ўтган йилга нисбатан ўсиши, фоизда	Кирилган инвестицияларнинг асосий жами капиталга инвестициялар таркибидаги улуши, фоизда	Кирилган инвестицияларнинг ЯИМга нисбатан улуши, фоизда
1	2010	357,8	100,0	2,2	0,5
2	2011	421,2	117,7	2,2	0,4
3	2012	514,7	143,9	2,1	0,4
4	2013	606,3	169,5	2,0	0,4
5	2014	731,4	2,0 м.	1,9	0,4
6	2015	851,4	2,4 м.	1,9	0,4
7	2016	1052,1	2,9 м.	2,1	0,4
8	2017	1428,3	4,0 м.	2,0	0,5
9	2018	1956,1	5,5 м.	1,8	0,5
10	2019	1741,6	4,8 м.	0,9	0,3

Жадвал маълумотларига асосланиб шуни таъкидлаш мумкинки, Ўзбекистонда туризм индустриясига йўналтирилган инвестициялар 2010-2019 йиллар давомида микдоран сезиларли тарзда ўсиб борган бўлса-да, бироқ, унинг асосий капиталга йўналтирилган инвестициялар ҳамда мамлакат ЯИМга нисбатан улуши жуда ҳам кичик эканлигини кўрсатмоқда. Айниқса, туризм индустриясига йўналтирилган инвестициялар ҳажми 2016 йилдан бошлаб аввалги йилларга нисбатан юқори ўсишни қайд этиб келган бўлса-да, аммо, шу даврдан бошлаб 2020 йил бошига қадар уларнинг жами асосий капитал таркибидаги улуши аксинча ҳолатни, яъни пасайиб бориш натижаларини қайд этган.

Бунга, албатта, туризм индустриясига йўналтирилган инвестицияларга нисбатан асосий капиталга йўналтирилган инвестициялар ҳажмида юқори ўсишларга эришилганлиги ўзининг таъсирини кўрсатган.

Бу ҳолат туризм индустриясига йўналтирилган инвестицияларнинг мамлакат ЯИМ ҳажмига нисбатан эгаллаган улушида янада равшанлик касб этган. Хусусан, таҳлил этилган даврнинг сўнгги йилига келиб туризм индустриясига йўналтирилган инвестицияларнинг ЯИМдаги улуши энг кичик – 0,3 фоизни ташкил этган. Мазкур ҳолатлар мамлакатда туризм индустриясини янада ривожлантириш ва унга инвестицияларни фаол жалб этиш масаласига жиддийроқ эътибор қаратиш лозимлигини кўрсатади.

Умуман олганда, юқоридаги таҳлил кўрсаткичлари мамлакатимизда туризм индустриясини ривожлантиришда инвестицияларга бўлган талаб юқорилигини кўрсатади. Зеро, соҳага йўналтирилган инвестициялар туризм инфратузилмаси ҳолатини, соҳанинг

³ Ўзбекистон Республикаси Давлат статистика қўмитаси маълумотлари асосида тузилган. // <https://stat.uz>

инвестицион салоҳияти ва жозибадорлиги оширишда, пировардида, ички ва ташқи туристик оқимни янада кучайтиришда муҳим аҳамият касб этади.

Хулоса ва таклифлар

Ўзбекистонда олиб борилган тадқиқотлар асосида республикамізда рақамли иқтисодиёт шароитида туризм индустриясини янада ривожлантиришнинг инвестицион имкониятларини ошириш мақсадида куйидаги тадбирларни амалга ошириш муҳим деб ҳисоблаймиз:

- туризм соҳасини жадал ривожлантириш, туризм соҳасини бошқариш тизимини такомиллаштириш;
- туризм соҳасида виза, лицензия бериш ва рухсат олиш тартиб-таомилларини соддалаштириш; хорижий инвестициялар,
- жаҳон брендларини фаол жалб қилиш, туризм соҳасида бизнес юритиш учун қулай шарт-шароитлар яратиш;
- янги туризм йўналишларини яратиш, туризмнинг замонавий турларини ривожлантириш, уларнинг жозибадорлигини ошириш.
- туризм индустрияси тараққиётида давлат-хусусий шерикчилик амалиётини ва шу асосда соҳага хусусий инвестициялар оқимини кучайтириш лозим.

Хулоса қилиб айтганда, мамлакатимизда туризм индустриясини ривожлантиришда инвестициялар ва рақамли технологиялардан самарали фойдаланиш имкониятларимиз юқори бўлиб, улардан самарали фойдаланиш ички ва ташқи туристик оқимни янада кучайтириш билан бирга Ўзбекистоннинг ижтимоий-иқтисодий ривожланиши ва халқаро интеграциясини фаоллаштиришда муҳим омил бўлиб хизмат қилади.

Фойдаланилган адабиётлар

1. Ўзбекистон Республикасининг “Туризм тўғрисида”ги ЎРҚ-549-сонли Қонуни. 2019 йил 18 июл. // www.lex.uz
2. Ўзбекистон Республикаси Президентининг 2019 йил 13 августдаги “Ўзбекистон Республикасида туризм соҳасини янада ривожлантириш чора-тадбирлари тўғрисида”ги ПФ-5781-сонли Фармони. // www.lex.uz
3. Ўзбекистон Республикаси Президентининг 2020 йил 9 январда қабул қилинган “Ўзбекистон Республикасининг 2020-2022 йилларга мўлжалланган инвестиция дастурини амалга ошириш чора-тадбирлари тўғрисида” ПҚ-4563-сонли Қарори. // www.lex.uz
4. Ўзбекистон Республикаси Президентининг 2020 йил 28 апрелдаги “Рақамли иқтисодиёт ва электрон ҳукуматни кенг жорий этиш чора-тадбирлари тўғрисида” ПҚ-4699-сонли Қарори. // www.lex.uz
5. Абдураимов Д.М. Туризм инфратузилмаси таркибий қисм элементлари ва функциялари. // “Иқтисод ва молия” журнали, 2021. – №2 (138). 16-24 бетлар.
6. Ахборот технологиялари соҳасига инвестициялар. // https://mitc.uz/uz/pages/invest_tory
7. Балабанов И.Т., Балабанов А.И. Экономика туризма: учебное пособие. – М.: Финансы и статистика, 2000. – 173 с.